

ՇԻՐԱԿԻ ՉԼՐԱՊԱՐԱԿՎԱԾ ՇԻՆԱՐԱՐԱԿԱՆ ԱՐՁԱՆԱԳՐՈՒԹՅՈՒՆՆԵՐ

Կամսարականների հեռանալը երկրի քաղաքական տասաբեզից և իրենց տիրույթներից զրկվելը ժամանակագրությամբ գրեթե համընկնում է արաբական լծի թոթափման և Հայաստանի քաղաքական ինքնուրույնության վերականգնման հետ: Երկրում անկախության նվաճումը մեծապես նպաստեց տնտեսական հետագա վերելքին: Առևտրական ճանապարհների խաչմերուկներում առաջ եկան բաղմաթիվ նոր քաղաքներ ու ավաններ, որոնք հներին զուգընթաց տնտեսական ու մշակույթի արգասավոր օջախներ դարձան: Այս հանգամանքը առավելապես ակնհայտ էր Շիրակի համար, որը անցնելով Բագրատունիների ձեռքը դարձավ արքունական ոստան: Շիրակի կենտրոնումն էր գտնվում Անին՝ Հայաստանի խոշորագույն քաղաքը և երկրի մշակույթի, տնտեսական ու քաղաքական կարևորագույն կենտրոններից մեկը:

Չնայած Բագրատունիների ուշադրության կենտրոնը հիմնականում Անին էր, որը նրանք զարդարում էին փառահեղ ու մոնումենտալ շինություններով, այնուհանդերձ նրանց օրոք Շիրակի տարբեր վայրերում կանգնեցված բազմաթիվ շինություններից շատերը, իրենց գեղարվեստական և շինարարական արվեստի մակարդակով, ամենեին չէին զիջում Անիի լավագույն կառույցներին: Շինարարական գործունեության մեջ Բագրատունիները միայնակ չէին: Այս շրջանում առանձնապես աչքի ընկան իշխանական տները, հատկապես Պահլավունիները և աշխարհիկ ու հոգևոր դասի առանձին մարդիկ: Ի դեպ, Անիից դուրս կառուցված Շիրակի հուշարձանների արձանագրությունները Բագրատունիների անունը որպես շինողի չեն հիշատակում (բացի Հոռոմոսի մի արձանագրությունից): Կասկածից վեր է, իհարկե, որ նրանք ունեցել են շինություններ Անիից դուրս, գոնե Շիրակավանում, որը սկզբնական շրջանում նրանց մայրաքաղաքն էր, սակայն դրանք սլարդապես չեն արձանագրվել: Բոլոր դեպքերում, հակառակ Կամսարականների, որոնք իրենց շինությունները հիմնում էին դավառի տարբեր կողմերում և քիչ ուշադրություն էին առանձնացնում իրենց նստավայրերին, Բագրատունիները առավելապես տարված էին մայրաքաղաքը գեղեցկացնելու և ամրացնելու հոգսերով:

Այս շրջանում արձանագրություններ հանդիպում են անհամեմատ ավելի առատորեն, քան Կամսարականների ժամանակ: Դրա պատճառը, թերևս, մասնաւոր նախաձեռնողների իրավական պայմանների և տնտեսական հնարավորությունների բարելավումը պետք է համարել: Եթե նախկինում շինությունները կատարում էին աղնվական տները, ապա Բագրատունյաց շրջանում շինության արձանագրությունները հանդիպում են ամեն խավի մարդկանց անունով: Առանձնապես մեծ էր այս հարցում խոշոր միաբանությունների դերը, որոնք առաջ գալով երկրի տարբեր վայրերում, հոգևոր ու աշխարհիկ ընտյթի շինությունների ամբողջական կոմպլեքսներ էին կառուցում:

Բագրատունիների շրջանում առանձնապես աչքի էր ընկնում նաև վիմական հիշատակարանների արտակարգ բազմազան բովանդակությունը: Արձանագրում էին ոչ միայն եկեղեցիները, այլև կոմունալ նպատակներին ծառայող շինությունների պատերը, խաչքարերը, սովորական մարդկանց տապանաքարերը՝ նվիրատվական, տնտեսական, իրավական և այլ բնույթի տեղեկություններով: Այդպիսիներից է Բագրատունյաց շրջանի մեզ հասած ամենահնագույն արձանագրությունը Շիրակում, թվագրված ՅԺԳ (864) թվականով: Այդ արձանագրությունը փորագրված է մի քարի վրա, որը գտնվում է Թալինի՝ Ներսեհ Կամսարականի կառուցած եկեղեցու մեջ: Արձանագրությունը խիստ վնասված է, սակայն երևում է հեղինակի անունը՝ ՍԻՄԵՈՆ ՎԱՆԱԿԱՆ:

Ինչպես երևում է քարի ձևից, դա տապանաքար է.

ՅԺԳ ԹՎԱԿԱՆՈՒԹԵԱՆ ՀԱՅՈՑ ԷՍ ՍԻ-

ՄԵՈՆ ՎԱՆԱԿԱՆ Ի ՏՐԷ ԱՄՍԻՆ...

ՄՈՒՏԵՐ... ԱՍԱ... ԵԻ... ԱԻՈՂ...

Վնասված է և անընթեռնելի առանձնապես երրորդ տողը: Մեզ հաջողվեց վերականգնել միայն առաջին տողը:

Արձանագրության մեջ ուշադրություն է գրավում ԹՎԱԿԱՆՈՒԹԵԱՆ ձևը քուականութեան փոխարեն, որը արձանագրության լեզվի տեսակետից ժամանակագրության հարցում համապատասխան կարող էր լինել ավելի ուշ շրջանի համար: Սակայն թվականից բացի, արձանագրության հնության մասին են վկայում նաև նրա տառաձևերը:

* * *

Բագրատունյաց շրջանի աչքի ընկնող հուշարձաններից են ներկայիս Պեմպաշեն գյուղի շրջակայքում, կիսավեր վիճակում պահպանվող, վաղեմի փարթամ և շքեղ շինությունները:

Գյուղից մոտ 1 կմ դեպի հարավ, ձորի մոտ, կանգնած է մի եկեղեցի, որի մնացորդները ցույց են տալիս նրա ձարտարապետական հարուստ և գեղեցիկ ձևերը: Այս եկեղեցին գրականության մեջ հայտնի է Մակարավանք անունով, շնայած շինարարական արձանագրությունը այն անվանում է ս. Գևորգ¹:

Եկեղեցու արևմտյան պատին կից մնացել է կամարածածկ շինության մի բեկոր, որի հետքը պատի վրա ցույց է տալիս, որ բավական մեծ է եղել և ծառայել է որպես դպիր:

Շինարարական մի արձանագրության մեջ, որը գտնվում է եկեղեցու հյուսիսային խորանի արևելյան պատին, ներսից շինությունները հիշատակված են հոգնակի թվով՝ ԶՎԱՆՔՍ ՄԲ ԳԵՈՐԳՈՅ ԵՒ ԶԵԿԵՂԵՑԻՔՍ ԵՒ ԱՄԵՆ ԱՂԱԳԱԻՔ ՇԵՆ: Սակայն նրա մոտակայքում շինությունների այլ հետքեր չեն նշմարվում: Եկեղեցուց արևմուտք, մի քանի քայլի վրա, ձորի մեջ կա սագաշեն, քառանկյունի մի շինություն, որը, սակայն, ժամանակի առումով, շատ ուշ շրջանի է: Արձանագրության մեջ հիշատակված «զվանքս» և «զեկեղեցիքս» բառերը կարող են վերաբերել միայն տեղի եկեղեցուն և նրանից որոշ հեռավորության վրա

¹ Ինչպես ցույց են տալիս ուշ շրջանի արձանագրությունները, եկեղեցին Մակարավանք է կոչվել հետագայում:

գտնվող մի քանի շինություններին, որոնցից միայն մեկն է պահպանվել, ժամանակին այստեղ խոշոր միաբանություն է եղել²:

Արձանագրությունը խիստ վնասված է և միաժամանակ անավարտ: Առահին վեց տողերից բացակայում են նրանց վերջավորությունները:

Այս արձանագրությունից հրատարակվել են միայն նրա առաջին հինգ տողերը³: Հետևանքն եղել է այն, որ հրատարակողները չեն իմացել անգամ, որ դա շինարարական արձանագրություն է:

Ամենից ավելի վնասված է VI տողը: Նախ՝ կասկածելի է թվում V տողի վերջում վերականգնած ՍԱՀԱԿ ՀԱՅՐԱՊԵՏՍ: VI տողի սկզբում նշմարվում է... ՏՈՆԻՍ անվանավերջը, որը ոչ մի կերպ չի կապվում ՀԱՅՐԱՊԵՏՍ բառի հետ: VII տողը սկսվում է... ԵՐՈՐԴԻՍ բառով, որը կարգային թվականի վերջածանց լինել չի կարող, քանզի գրված է մեկ Ր-ով: Այս բառը, մեր կարծիքով, ՔՎԵ-ԲՐՈՐԴԻՍ բառի կրկնությունն է և փորագրվել է այն պատճառով, որ VI տողը տեղադրվելով երկու քարերի հանդիպման եզրին, փորագրելիս կոտրատվել է: Հիշտ կարդալու համար այդ կրկնությունը պետք է բաց թողնել: Հենվելով մեր տեղում կատարած ուսումնասիրության վրա, V—VII տողերը առաջարկում ենք վերականգնել հետևյալ ձևով՝

ՇԱՀՆՇԱՀԻ. ԵՍ ՍԱՀԱԿ ԻԵԻ ՀԱՅՐ ԱՆԻ-
ՏՈՆԻՍ ՔՎԵՐՈՐԴԻՍ ԻԵԻ ՍԱՀԱԿԻ
([ՔՎ]ԵՐՈՐԴԻՍ) ՇԻՆԵՑԱՔ ԶՎԱՆՔՍ [ՄԲ]

Ուշադրություն է գրավում նաև այն, որ արձանագրությունը լրիվ ավարտվում է X տողում: Նրանից հետո եկող շարունակությունը, ինչպես երևում է, որոշ ժամանակից հետո է փորագրվել: Այդ հատվածում հիշատակվել է Սահակո՝ Անտոնի քրոջ որդին, որի վաղաժամ (ԿԻՍԱԻՐԵԱ) մահը ստիպել է շարունակել արձանագրությունը բարեխոսություն մաղթելու համար՝ այս անգամ ողբագին, խոր ցավակցական շարադրանքով: Իրան հետևում է ինչ-որ աղոտ և անավարտ բացատրություն՝ ՈՐ ԶԳՐԵՑԻ ԶՅԻՇԱՏԱԿ ԵԻ...

Ի մի բերելով արձանագրությունը վերականգնելու վերաբերյալ ունեցած մեր դիտողություններն առաջարկում ենք այն հետևյալ վերծանությամբ՝

ԻՆՆԾ (1001) ԹՈՒԱԿԱՆՈՒԹՅԱՆ ՀԱՅԻ-
ՈՅ, Ի ՀԱՅՐԱՊԵՏՈՒԹՅԱՆ ՍԻ-
ԱՐԳՍԻ ՀԱՅՈՅ ԿԱ [ԹՈՂԻԿՈՍԻ]
ԵԻ Ի ԹԱԳԱՎՈՐՈՒԹԵ[ԱՆ ԳԱԳԱ]
ՇԱՀՆՇԱՀԻ. ԵՍ ՍԱՀԱԿ ԻԵԻ ՀԱՅՐ ԱՆԻ-
ՏՈՆԻՍ ՔՎԵՐՈՐԴԻՍ ԻԵԻ ՍԱՀԱԿԻ
([ՔՎ]ԵՐՈՐԴԻՍ) ՇԻՆԵՑԱՔ ԶՎԱՆՔՍ [ՄԲ]
ԳԵՈՐԳՈՅ ԵԻ ԶԵԿԵՂԵՑԻՔՍ ԻԵԻ ԱՄԵՆԻ
ԱՂԱԳԱԻՔ ՇԵՆ. Ի ԲԱՐԵՆԱԻՍՈՒԹԵ[ԱՆ]
ՄԵԶ ԵԻ ԱՄԵՆԱՅՆ ՀԱԻԱՏՍՅԵԼՈՅ:

² Թ. Թորամանյան, Հայկական հարտարապետություն, հ. 2, 1948, էջ 134: Ա. Մանուարյան, Պեմպաշենի շինարարական արձանագրությունը, ԳԱ «Տեղեկագիր» (հաս. գիտ.), № 5, 1965:

³ Ալիշան, Շիրակ, Վենետիկ, 1881, էջ 166: Կ. Կոստանյան, Վիմական տարեգիր, ՍՊՐ, 1913, էջ 12:

ԵՒ ԿԻՍԱԿԻՐԵԱ Ի ՔՍ ՓՈԽԵՑԱԻ
ԱՆԲԱԽՏ ԴԱԽԻԹ, ՈՐ ԶԳՐԵՑԻ ԶՅԻ-
ՇԱՏԱԿ ԵՒ...

Ալիշանը հաղորդում է, որ «Յորմն արեւելեան արտաքուստ դրեալ է, սա-
կաւ մի խանգարեալ եւ անթուական արձանս»⁴։ Ներկայումս այդ արձանագրու-
թյունը չի պահպանվել։ Ինչպես երևում է Ալիշանի բերած բնագրից, այն նույն-
պես շինարարական է՝ նորոգման բովանդակություն ունի՝

ԿԱՄԱԽՆ ԱՅ ԵՍ ՀԱՅՐ ՎԱՐԴԱՆ ԵՂԵ ՊԱՏՃԱՌ ՎԵՐԱՆՈՐՈԳՈՒԹԵԱՆ ՀԻՆ
ՇԻՆՈՒԹԵԱՆ ՍՈՒՐԲ ՈՒԽՏԻՍ ԵՒ ԲԱԶՈՒՄ ԱՇԽԱՏՈՒ-
ԹԵԱՄԲ ՇԻՆԵՑԻ ԶՎԱՆՔՍ։ ԱՂԱԶԵՄ ԶԲՆԱԿԻԶԿԻ ԶԻՍ
ԵՒ ԾՆՈՂՍ ԻՄ ՅԻՇԵՑԵՔ Ի ՏՐ։

Ալիշանը վարդանի անվանը հաջորդող բացակայող հատվածում ենթա-
դրում է, որ եղել է ՊԱՏՃԱՌ ՎԵՐԱՆՈՐՈԳՈՒԹԵԱՆ, սակայն դա հավանական
չէ, որովհետեւ առանց այն էլ արձանագրության մեջ խոսվում է շինելու մասին։

Այս արձանագրությունը, մեր կարծիքով, պետք է ավելի հին լինի, քան նա-
խորդը, բայց, ամենայն հավանականությամբ, եկեղեցու շինարարական վա-
վերագիրը ոչ նախորդն է, ոչ էլ այս։ Երկու արձանագրությունները համեմատե-
լիս ուշադրություն են գրավում երկու հանգամանք՝ նախ առաջինի բովանդա-
կությունից ստացվում է, որ նրա հեղինակները կառուցել են առնվազն երեք,
թերևս և ավելի եկեղեցի՝ եթե հաշվի առնենք, որ հիշատակվել են «զվանքս
եւ զեկեղեցիքս» հոգնակի թվով։ Իսկ Մակարավանքն էլ հիշատակվել է առան-
ձին։ Նման մեծածախ շինարարական աշխատանքներ կարող էր նախաձեռնել
միայն աչքի ընկնող մեծահարուստ, մեծատոհմիկ մարդ, որպիսին արձանա-
գրության մեջ բացակայում է։ Հիշատակված Սահակը մատենագրական աղ-
բյուրներում բոլորովին չի հիշվում։ Տեղեկություններ չկան նաև Դավթի ու Ան-
տոնի մասին։ Նրանց մասին լուռ են նույնպես և վիմագրական աղբյուրները։
Այս ամենից հետևում է, որ իրենց կարողությամբ նրանք հազիվ թե մեծահա-
րուստ կամ մեծատոհմիկ մարդկանց թվին պատկանեին։ Երկրորդը՝ ինչպես
երևում է ճարտարապետական առանձնահատկություններից, այս եկեղեցիները
պետք է որ կառուցված լինեն X դ.։ Վստահություն չի ներշնչում նաև արձանա-
գրության տեղագրությունը։ Շինարարական արձանագրությունները ներսում,
խորանի պատին երբեք չեն փորագրվել։ Դրանք սովորաբար տեղադրում էին
արտաքին պատին՝ աչքի ընկնող տեղում։ Այդպես է տեղադրված եղել, ըստ
Ալիշանի տեղեկության, երկրորդ արձանագրությունը, ընդ որում վերջինս հա-
մեստորեն հաղորդում է մեկ եկեղեցու շինության մասին, այն էլ ԲԱԶՈՒՄ ԱՇ-
ԽԱՏՈՒԹԵԱՄԲ բացատրությամբ։ Սակայն արձանագրության մեջ կա մի շատ
կարևոր արտահայտություն՝ ՀԻՆ ՇԻՆՈՒԹԵԱՆ ՍԲ ՈՒԽՏԻՍ, որը նախապես են-
թադրում է տեղում իրենից առաջ գոյություն ունեցող շինության հանգամանքը։

Այսպիսով եկեղեցու շինության արձանագրությունը մեզ չի հասել, գուցե և
չի եղել։ Հաշվի առնելով այս հանգամանքները պետք է ենթադրել, որ այս ար-
ձանագրությունները տեղեկացնում են միայն նորոգման մասին։

⁴ «Շիրակ», էջ 166։

⁵ Թ. Թ ո Ր ա մ ա ն յ ա ն, Հայկական ճարտարապետություն, հ. 2, էջ 134։

* * *

Արթիկի կենտրոնում կան երկու մեծ եկեղեցիներ՝ ս. Գրիգոր և ս. Աստվածածին: Երկուսն էլ, ինչպես պարզված է ճարտարապետական առանձնահատկություններից, կառուցվել են VII դարում: Սրանց շինարարական արձանագրությունները չեն պահպանվել: Ժամանակին ս. Գրիգոր եկեղեցու վերին մասում, պսակի տակ, գոյություն է ունեցել եկեղեցին գոտևորող մի արձանագրություն: Ինչպես երևում է տեղագրությունից, դա պետք է շինարարական լիներ: Սակայն ներկայումս եկեղեցու վերին մասը ավերված է և արձանագրությունը չի պահպանվել:

Այս եկեղեցու արևմտյան կողմում, պատուհանի տակ, ագուցված կա մի քար, վրան շինարարական բովանդակություն ունեցող հետևյալ արձանագրությունով՝

ԻԹՎԻՆ ԶԽԲ (1293) ԵՍ ԱՐՏԱՇ ԵՒՎ ՎԱՆԵՍ ԵՒ ԱՄՈՒ-
ՍԻՆ ԻՄ ԽՈՒՏԼԵՐՍ ՎԵՐԱԿԱՆԿՆԵՅԻ ԶԽԱԶՍ Ի ԲԱ-
ՐԵԽԱԻՍՈՒԹԻՒՆՆԱՎ ԵՆԶ ԵՒ ՆՆՈՂԱՅ ՄԵՐՈՅ
ՆՈՐՔ ԵՐԿՐՊԱԳԵՔ ՅԻՇԵՅԵՔ...

Արձանագրված այս քարի վրա գրված է խաչքարի մի բեկոր:

Այս արձանագրության մեջ գոյություն ունի տարակուսելի մի հանգամանք՝ այստեղ նորոգման (վերականգնման) օբյեկտը անվանված է ս. Խաչ: Ծիշտ այնպես, ինչպես սովորաբար գրվում է խաչքարերի կանգնեցման դեպքում, իսկ եթե միաժամանակ նկատի առնենք, որ արձանագրված քարը գտնվում է խաչքարի տակին, ապա կարող է թվալ, որ այն իսկապես վերարերում է խաչքարին: Սակայն, նախ պետք է ասել, որ այդ խաչքարը իր տեղում չի գտնվում: Դա իրենից ներկայացնում է կոտրված մի բեկոր, որը հարմարեցվել և ագուցվել է պատուհանի մեջ այն փակելու նպատակով: Իսկ արձանագրված քարը, պատուհանի ստորին եզրը կազմող շինության իսկական քարն է: Երկրորդ և ամենակարևոր հանգամանքը կայանում է նրանում, որ ՎԵՐԱԿԱՆԿՆԵՅԻ արտահայտությունը ակնհայտորեն նորոգման իմաստ է բովանդակում և կարող է միայն շինությանը վերաբերվել և ոչ թե կոթողին: Այսպիսով ԶԽԱԶՍ բառի տակ հնարավոր է միայն եկեղեցին հասկանալ: Ուշագիտ զննելով հուշարձանը, եկանք այն համոզմանը, որ արձանագրության կողմից հիշատակված նորոգումը հիմնականում կարող էր վերաբերվել երեսպատման քարերին, առանձնապես եկեղեցու միջին և վերին մասերում: Նորոգման նկատելի հետքեր են կրում նաև արևելյան հատվածը ամբողջությամբ, ինչպես և հարավային մուտքը և հյուսիսային պատի առանձին հատվածներ:

Արձանագրությունից հայտնի է դառնում, որ նորոգողն է եղել Հովհաննես անունով մի վանական: Ամենայն հավանականությամբ, նա տեղի միաբանության անդամներից է եղել:

Ընդհանուր առմամբ արձանագրությունը լավ է պահպանվել: Մի փոքր վնասվածք կա IV տողի սկզբում, որը հեշտությամբ վերականգնվում է:

* * *

Արթիկի հարավային ծայրամասում կանգնած է վույելազեղ մի կենտրոնագմբեթ եկեղեցի, որը գրականության մեջ հայտնի է Լմբատավանք անունով: Եկեղեցին մյուսների հետ միասին կառուցվել է VII դարում: Սակայն շինարար-

քական արձանագրություն չի ունեցել: Հետագայում ենթարկվելով նորոգման, նրա վրա փորագրվել է մի հետաքրքիր արձանագրություն: Այդ արձանագրության կարևորությունը պայմանավորված է նրանով, որ ավանդում է շինարարական մի շախմատից բարդ աշխատանքի մասին: Դասելով եկեղեցու ճարտարապետական առանձնահատկություններից, այն գմբեթավոր է եղել ի սկզբանե, այնպես, որ այս արձանագրությունը ավանդելով եկեղեցու միայն այդ հատվածի մասին, անտարակույս նորոգման իմաստ է արտահայտում: Արձանագրությունը թվագրված չէ: Ելնելով տառաձևերից և լեզվի ոճական ընդհանուր բնութագրից, հավանական ենք գտնում, որ այն փորագրված լինի XIII դ. սկզբներին:

Արձանագրությունը գտնվում է արևմտյան պատուհանի վերին մասում: Տեղադրված է երեք քարի վրա: Առաջին վեց տողերը փորագրվել են վերին քարին, իսկ մնացած չորսը՝ ստորին երկուսի վրա: Ստորին մասը խիստ հողմնահարված է և վերականգնվում է մեծ դժվարությամբ: Վնասվածքներ ունի նաև վերին մասը: Վերականգնելով արձանագրության առանձին հատվածները, առաջարկում ենք այն հետևյալ վերծանությամբ՝

ՈՐԴԻԱԻՍ ՄԻ

ԱՆԵՑԱԻ ՄԲ ԼՄԲԱՏՍ. ԵՍ

...ԵԻ ԱՄՈՒՍԻՆ ԻՄ... ԶՄԵՐ ՀՈԳԱԲԱԺ

ՇԻՆԵՑԱՔ ԶԳՄԲԵԹ ԵԿԵՂԵՑՈՒՍ ԵԻ ՏՈՒԱՔ ԶՎ-

ԱՆՔՍ ԱՅԳԻ ՅԱՌՈՒԾ, ԶԳՈՄ ՂՈՒԱՆԻ Ի ԶԵՌ-

Ն ՀԱԻՐ ՄԱՄԻԿՈՆԻ ԵԻ ԱՅԼ ԵՂԲԱՐՅՍ, ՈՐՔ

ՓՆՈԽԱՐԵՆ ՀԱՏՈՒՑԻՆ ՄԵՋ ՊԱՏԱՐԱԳԵԼ

:Ե: ԱԻՐ ԳԻ... [ԱՂ]ԱԻԹԻՄ...

Ի ՄԲ Ա... [Ե]ՏՈՒ. ՊԱՀՈ-

ՂՔ ԱԻՐ[ՀՆԻ ԱՏ ԻՍԿ ԵԹԵ ՈՔ] ԽԱՓԱՆԷ [ՆԶՈՎ]Է

Արձանագրության վնասվածությունը հնարավորություն չի տալիս վերականգնել կառուցողների անունը: Իմանում ենք միայն, որ դրանք եղել են ամուսիններ և կառուցել են Մամիկոն վանահոր ժամանակ: Արձանագրության մեջ միակ պահպանված անունը դա Մամիկոնն է: Ցավոք, Լմբատավանքի այլ արձանագրություններում նրա անունը բոլորովին չի հանդիպում և այդ պատճառով համեմատելու և ժամանակը ձշտելու հնարավորությունը առայժմ բացառված է:

Լմբատավանքի այլ արձանագրություններից երևում է, որ ժամանակին եկեղեցին խիստ ավերածությունների և քայքայման է ենթարկվել: Վերականգնման և նորից ծաղկման համար ժամանակագրական տեսակետից ամենից ափելի Զաքարյանների տիրապետության շրջանն է հավանական թվում:

Զաքարյանների շրջանը, Թ. Թորամանյանի բնութագրով, հայ ճարտարապետության չորրորդ վերածնության շրջանն է: Զաքարյանների օրոք, նրանց յերիշխանության մեջ մտնող տերիտորիայում, վերականգնվեց երկրի տնտեսական ու մշակութային կյանքը: Զաքարյանների տիրապետության կարևորագույն դրությունը, հայ արվեստի բուռն վերածնությունը XII—XIII դդ. նոր էջ բացեց մշակույթի զարգացման ընդհանուր պատմության մեջ: Սակայն հայ ժողովրդի խաղաղ շինարարական աշխատանքը, որը պետք է վերածնության հիմք դնեք մշակույթի նոր պատմության շեմին, խափանվեց խավարամիտ ու բարբարոս ցեղերի ասպատակությունների հետևանքով: Այս քաղմաթիվ արձա-

նագրությունները ավանդելով անընդհատ կրկնվող նորոգումների մասին, յուրօրինակ մի վկայություններ են ժամանակի եղերական անցքերի վերսբերյալ:

Ներկա հոգվածում ուսումնասիրված է 5 արձանագրություն, որոնք կարելի էր են այդ հուշարձանների շինության պատմության առումով: Միաժամանակ պետք է նշել, որ այդ բնույթի արձանագրությունները առավել մեծ կարևորություն են ներկայացնում առհասարակ Հայաստանի շինարարական ժամանակագրությունը կազմելու գործում: